



SIUMUT Inatsisartui

26. april 2012

Inatsisartut suleriaasiat § 37 imm.1 naapertorlugu Naalakkersuisunut apeqqutit:

1. Maniitsumi naartusut Sisimiunut erniartortinneqartalernissaat ulluni makkunani tusagassiutitigut tusarliunneqartoq pillugu Naalakkersuisut qanga ilisimasaqalerpat?
2. Maniitsumi ernisussat Sisimiunut erniartortinneqartalernissaat pillugu Naalakkersuisut siusinnerusukkut Inatsisartunut ilisimatitsisimanginnerat sumik pissuteqarpa?
3. Taamatut aalajangiisimaneq pillugu Qeqqata Kommuniani kommunalbestyrelsimi ilaasortat imaluunniit borgmesteri siusinnerusukkut ilisimatinneqarnikuuppat?
4. Maniitsumi naartusut Maniitsumi ernisarnissaat pillugu suliniuteqarnissaq Naalakkersuisut qanoq piumassuseqarfigitigaat?
5. Maniitsumi peqqissaaviup pitsaaqisup sulisorissaaqisullu aammalu Sisimiuni peqqissaavittulli atortorissaaruteqarluartigisup siunissami qanoq atorineqarnissaa piorsarnissaalu Naalakkersuisut qanoq pilersaaruteqarfigaat?
6. Pilersaarut Maniitsumi inuttaasunut taama attuitigisoq pillugu Naalakkersuisut inuttaasunut nassuiaateqarnissartik pingaartissimanginnerpaat?
7. Illoqarfimmut allamut erniartortitsinermi ilaqutariit ataatsimoornissaat pillugu Naalakkersuisut qanoq pilersaaruteqarpat, aamma angalanermut aningaasartuutissat eqqarsaatigalugit?
(Inatsisartuni ilaasortaq Ruth Heilmann Siumut)

Tunngavilersuut:

5. april 2012 Maniitsumi halimut iserama Maniitsumi juumuup Maniitsormiut nunaqarfinnilu Maniitsup pigisaaniittuneersut naartusut tamarmik april 2012-miit Sisimiunut erniartortinneqartalernissaat pillugu assut ajuusaarluni ilisimatippaanga. Taamatut ilisimatinneqarnera assut tupassutigaaara tassami **Peqqissutsimut Ilaqutariinnermullu ataatsimiititaliami** ilaasortatut tamanna pillugu ilisimatinneqarsimanginnama. Paasinarsivoq suliap ingerlanneqarsimanera isertugaasimasoq, tamanna akuersaarneqarsinnaanngilluinnarpoq.

Maniitsumi naartusut Maniitsumi ernisinneqartarnerisa ingerlaannarnissaa pillugu Naalakkersuisut suliniuteqarnissaat kissaatigaara.